

Broj: 03-05-386/2019
Sarajevo, 10.05.2019. godine

**PARLAMENT FEDERACIJE
BOSNE I HERCEGOVINE**

- Predstavnički dom -
- Dom naroda -

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:	14-05-2019		
Org. jed.	Broj	Prilog	Vrijed.
	01,02 - 02 - 1002/19		x 22

Poštovani,

Na osnovu člana 31. stav (1) tačka h) Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), u prilogu Vam dostavljam **INFORMACIJU FEDERALNE AGENCIJE ZA UPRAVLJANJE ODUZETOM IMOVINOM KOJA SE ODNOSI NA ANALIZU PODATAKA DOSTAVLJENIH OD STRANE SUDOVA I TUŽILAŠTAVA U FEDERACIJI BOSNE I HERCEGOVINE U KOJIMA JE PREDLOŽENA I IZREČENA MJERA ODUZIMANJA IMOVINSKE KORISTI PRIBAVLJENE KRIVIČNIM DJELOM U FEDERACIJI BOSNE I HERCEGOVINE U PERIODU 01.01. - 31.12.2018. GODINE**, koju je Vlada Federacije Bosne i Hercegovine primila na znanje na 178. sjednici, održanoj 09.05.2019. godine.

S poštovanjem,



PREMIJER

Fadil Novalić

Prilog: kao u tekstu

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 178. sjednici, održanoj 09.05.2019. godine, d o n o s i

ZAKLJUČAK

1. Vlada Federacije Bosne i Hercegovine prima na znanje Informaciju Federalne agencije za upravljanje oduzetom imovinom koja se odnosi na analizu podataka dostavljenih od strane sudova i tužilaštava u Federaciji Bosne i Hercegovine u kojima je predložena i izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u periodu 01.01. - 31.12.2018. godine.
2. Informacija iz tačke 1. će se dostaviti Parlamentu Federacije Bosne i Hercegovine.
3. Ovaj zaključak stupa na snagu danom donošenja.

V. broj: 488 /2019
09.05.2019. godine
Sarajevo



BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom

A N A L I Z A

**PODATAKA U KOJIMA JE PREDLOŽENA I IZREČENA MJERA ODUZIMANJA
IMOVINSKE KORISTI PRIBAVLJENE KRIVIČNIM DJELOM U FEDERACIJI
BOSNE I HERCEGOVINE U PERIODU 01.01 – 31.12.2018. GODINE**

Sarajevo, april/travanj 2019. godine

Na osnovu člana 30. stav (1) tačka b) i člana 31. Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), direktor Agencije sačinjava

A N A L I Z U

PODATAKA U KOJIMA JE PREDLOŽENA I IZREČENA MJERA ODUZIMANJA IMOVINSKE KORISTI PRIBAVLJENE KRIVIČNIM DJELOM U FEDERACIJI BOSNE I HERCEGOVINE U PERIODU 01.01 – 31.12.2018. GODINE

I – UVOD

Federalna agencija za upravljanje oduzetom imovinom (u daljnjem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14).

Jedna od nadležnosti Agencije utvrđenih članom 30. Zakona o oduzimanju nezakonito stečene imovine krivičnim djelom (u daljnjem tekstu: Zakon) je i provođenje analiza u području oduzimanja imovinske koristi pribavljene krivičnim djelom.

U skladu sa članom 31. Zakona, Agencija u provođenju ove nadležnosti obavlja sljedeće poslove:

- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, sa ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom.

U cilju realizacije navedenog, Agencija je ostvarila kontakte sa nadležnim pravosudnim institucijama u Federaciji Bosne i Hercegovine i zatražila podatke kako bi na osnovu istih uradila analizu, koja će u daljnjem radu služiti za izradu raznih vrsta procjena i strategija vezanih za pitanja koja se odnose na oduzimanje imovinske koristi pribavljene krivičnim djelom u Federaciji Bosne i Hercegovine.

U ostvarenim kontaktima sa sudovima i tužilaštvima u Federaciji Bosne i Hercegovine u predhodnim godinama ukazano je na značaj djelovanja Agencije i isti su podstaknuti da dostave podatke, statističke izvještaje i druge informacije o pravosnažno okončanim postupcima za oduzimanje imovinske koristi u skladu sa Zakonom, ove godine sa posebnim osvrtom za period od 01.01 - 31.12.2018. godine.

Kako bi se prikupili sveobuhvatni podaci o oduzimanju imovinske koristi pribavljene krivičnim djelima kao posebnom pravnom institutu, potrebno je prikupiti podatke različite naravi. U skladu sa navedenim, podaci koji su prikupljeni u toku ove godine, bili su u skladu sa Smjernicama o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom.

Smjernice je sačinila Agencija nakon obavljenih konsultacija sa svim sudovima i tužilaštvima u Federaciji Bosne i Hercegovine, kao i Visokim sudskim i tužilačkim vijećem.

Svrha donošenja Smjernica o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom je iznaći i predložiti jedinstvenu metodologiju prikupljanja, obrade, analize i dostavljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom pred nadležnim pravosudnim institucijama u Federaciji Bosne i Hercegovine. Na taj način Agencija bi obezbjedila jedinstvenu, autentičnu i standardiziranu bazu podataka o postupcima u kojima je predložena i izrečena mjera privremenog ili trajnog oduzimanja imovinske koristi.

Kako bi Agencija raspolagala sveobuhvatnim podacima o oduzimanju imovinske koristi pribavljene krivičnim djelima, od svih sudova i tužilaštava u Federaciji Bosne i Hercegovine su zatraženi različiti podaci, koji su u skladu sa Smjernicama podijeljeni na:

- a) zbirni podaci o radu;
- b) podaci o pojedinačnim postupcima u kojima je određeno oduzimanje imovinske koristi;
- c) podaci o privremeno oduzetoj imovinskoj koristi iz pojedinačnih postupaka,
- d) podaci o trajno oduzetoj imovinskoj koristi iz pojedinačnih postupaka¹.

Do kraja izvještajnog perioda tražene podatke je dostavilo:

- sedam tužilaštava;
- 10 kantonalnih sudova, i
- 31 općinski sud.

Na osnovu prikupljenih informacija uspostavljena je baza podataka sa gore navedenim parametrima, te je izvršen unos podataka u bazu, na osnovu kojih je sačinjena slijedeća analiza za period od 01.01.2018. godine do 31.12.2018. godine.

Korisnici ovih dokumenata na kojima će Agencija raditi u narednom periodu će biti svi nadležni organi u Federaciji Bosne i Hercegovine koji imaju određenu ulogu u poduzimanju preventivnih i represivnih mjera u oblasti sticanja imovinske koristi pribavljene krivičnim djelom, što svakako, uključuje i nadležne pravosudne institucije kao jedne od korisnika takvih strateških dokumenta.

¹ Obrasci za prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom (nalaze se u prilogu Analize)

II – STATISTIČKI PODACI DOSTAVLJENI OD STRANE TUŽILAŠTAVA U FEDERACIJI BOSNE I HERCEGOVINE

Agencija je uputila dopis nadležnim tužilaštvima u Federaciji Bosne i Hercegovine za dostavljanje podataka koji se odnose na prijedloge upućene nadležnim sudovima za oduzimanje imovinske koristi pribavljene krivičnim djelom u kojima je predloženo donošenje privremenih mjera osiguranja imovinske koristi u skladu sa članom 17. Zakona o oduzimanju nezakonito stečene imovine krivičnim djelom, odnosno prijedloga za trajno oduzimanje imovinske koristi pribavljene krivičnim djelom.

Od ukupno deset tužilaštava u Federaciji Bosne i Hercegovine, Agencija je dobila odgovore od sedam tužilaštava.

Na osnovu prikupljenih informacija uspostavljena je baza podataka sa navedenim parametrima, te je izvršen unos podataka u bazu, na osnovu kojih je sačinjena slijedeća analiza. U datoj analizi podaci se odnose na period od 01.01. do 31.12.2018. godine.

Tabela 1: Broj prijedloga za određivanje privremenih mjera osiguranja i za trajno oduzimanje imovinske koristi pribavljene krivičnim djelom u 2018. godini

R/br.	NAZIV TUŽILAŠTVA	BROJ PRIJEDLOGA
1.	Kantonalno tužilaštvo Srednjobosanskog kantona	57 prijedloga
2.	Kantonalno tužilaštvo Zeničko-dobojskog kantona	12 prijedloga
3.	Kantonalno tužilaštvo Kantona Sarajevo	četiri prijedloga
4.	Kantonalno tužilaštvo Kantona 10 Livno	jedan prijedlog
5.	Kantonalno tužilaštvo Posavskog kantona Orašje	nije imalo prijedloga
6.	Kantonalno tužilaštvo Zapadnohercegovačkog kantona	nije imalo prijedloga
7.	Kantonalno tužilaštvo Hercegovačko-neretvanskog kantona	nije imalo prijedloga
UKUPNO:		74 prijedloga

PRIJEDLOZI ZA ODUZIMANJE ZA KOJE SU DOSTAVLJENI PODACI O NOVČANOJ VRIJEDNOSTI

- a) konvertibilne marke: 1.058.657,78 KM
- b) euri: 4.410,00 EUR
- c) novčana sredstva, udio u otvorenom investicijskom fondu, osnivački kapital društva, nekretnine, motorna vozila, namještaj, sistem za solarno grijanje u ukupnom iznosu 5.746.296,29 KM, 68.904,33 EUR, 30.034,19 USD
- d) novčana sredstva, udio u otvorenom investicijskom fondu, osnivački kapital društva, nekretnine u ukupnom iznosu 5.089.945,94 KM, 164.207,96 EUR, 2.557,13 USD
- e) imovinska korist u vrijednosti od 450.000,00 KM.

UKUPNO U KM: 12.865.718,62 KM

PRIJEDLOZI ZA ODUZIMANJE ZA KOJE NISU DOSTAVLJENI PODACI O NOVČANOJ VRIJEDNOSTI

- a) Tri putnička motorna vozila marke:
 - PMV marke WV, tip 7L, model Tuareg
 - PMV marke Škoda 6Y
 - PMV marke Citroen 8HZ
- b) 1/52 suvlasničkog dijela apartmana broj 201 u hotelu Nature, Fojnica
- c) mobitel Samsung GalaxyJ7, TV marke Samsung, laptop Lenovo, ruter i drugo
- d) zabrana obavljanja zvanja, djelatnosti ili dužnosti

Tabela 2: Vrijednost imovinske koristi

R/br.	NAZIV TUŽILAŠTVA	NOVČANA SREDSTVA	OSTALO	UKUPNA VRIJEDNOST
1.	Kantonalno tužilaštvo Zeničko-dobojskog kantona	410,00 EUR 1.700,00 KM 15.188,36 KM 520,00 KM 54.510,00 KM 56.350,00 KM 5.664,00 KM		410,00 EUR 133.932,36 KM
2.	Kantonalno tužilaštvo Srednjobosanskog kantona			753.250,42 KM
3.	Kantonalno tužilaštvo Kantona Sarajevo	162.300,00 KM 4.000,00 EUR	-novčana sredstva, udio u otvorenom investicijskom fondu, osnivački kapital društva, nekretnine, motorna vozila, namještaj, sistem za solarno grijanje u ukupnom iznosu 5.746.296,29 KM, 68.904,33 EUR, 30.034,19 USD -novčana sredstva, udio u otvorenom investicijskom fondu, osnivački kapital društva, nekretnine u ukupnom iznosu 5.089.945,94 KM, 164.207,96 EUR, 2.557,13 USD -imovinska korist u vrijednosti od 450.000,00 KM -1/52 suvlasničkog dijela apartmana broj 201 u hotelu Nature, Fojnica -tri putnička motorna vozila marke VW, tip 7L, model Tuareg, Škoda 6Y i Citroen 8HZ -- mobitel Samsung GalaxyJ7, TV marke Samsung, laptop Lenovo, ruter i drugo -zabrana obavljanja zvanja, djelatnosti ili dužnosti.	11.448.542,23 KM 237.112,29 EUR 32.591,32 USD
4.	Kantonalno tužilaštvo Kantona 10 Livno	9.175,00 KM		9.175,00 KM
UKUPNO:				12.344.900,00 KM 237.522,29 EUR 32.591,33 USD

Ukupan broj krivičnih djela koja su navedena u prijedlozima dostavljenim od strane tužilaštava je 49.

Tabela 3: Broj i vrsta krivičnih djela

ČLAN KZ F BiH	OPIS DJELA	BROJ PRIJEDLOGA
238	neovlaštena proizvodnja i stavljanje u promet opojnih droga	2
257	krivotvorenje kreditnih i ostalih kartica bezgotovinskog plaćanja	1
267	nedozvoljena trgovina	1
272	Pranje novca	2
273	porezna utaja	1
286	krađa	1
289	razbojništvo	1
294	prevara	1
342	organizovani kriminal	2
347	lažno prijavljivanje	1
373	krivotvorenje isprave	27
380	primanje dara i drugih oblika koristi	1
383	zloupotreba položaja ili ovlaštenja	4
384	pronevjera u službi	4

U skladu sa raspoloživim podacima dostavljenim od strane tužilaštava u Federaciji Bosne i Hercegovine može se zaključiti da je najčešća vrsta krivičnog djela koju učionici čine djela iz člana 373 – krivotvorenje isprave (27 djela), iz člana 383 – zloupotreba položaja ili ovlaštenja i 384 – pronevjera u službi po četiri djela, po dva puta krivična djela iz članova 238 – neovlaštena proizvodnja i stavljanje u promet opojnih droga, člana 272 – pranje novca, člana 342 – organizovani kriminal, i po jedan put djela iz člana 257 - krivotvorenje kreditnih i ostalih kartica bezgotovinskog plaćanja, člana 267 – nedozvoljena trgovina, člana 273 – porezna utaja, člana 286 – krađa, člana 289 – razbojništvo, člana 294 – prevara, člana 347 – lažno prijavljivanje i člana 380 - primanje dara i drugih oblika koristi.

III – STATISTIČKI PODACI DOSTAVLJENI OD STRANE SUDOVA U FEDERACIJI BOSNE I HERCEGOVINE

3.1. ZBIRNI PODACI O RADU SUDA

Tabela 1: Zbirni podaci o radu suda

Naziv suda	Ukupan broj predmeta u radu krivičnog odjeljenja suda	Ukupan broj pravomoćno okončanih predmeta krivičnog odjeljenja suda	Ukupan broj predmeta u radu krivičnog odjeljenja suda u kojima je određena (privremena) mjera osiguranja oduzimanja imovinske koristi	Ukupan broj pravomoćno okončanih predmeta krivičnog odjeljenja suda u kojima je određeno (trajno) oduzimanje imovinske koristi	Ukupan broj predmeta suda u kojima je izvršena (privremena) mjera osiguranja oduzimanja imovinske koristi pribavljene krivičnim djelom	Ukupan broj pravomoćno okončanih predmeta u kojima je izvršeno (trajno) oduzimanje imovinske koristi pribavljene krivičnim djelom
Općinski sudovi	26.440	11.952	1	62	0	31
Kantonalni sudovi	2.770	1.399	5	6	0	3
UKUPNO	29.210	13.351	6	68	0	34

Na osnovu dobivenih podataka vidljivo je da je jako mali procenat predmeta nadležnih sudova u kojima je određena (privremena) mjera osiguranja oduzimanja imovinske koristi (0,05 % u odnosu na ukupan broj pravomoćno okončanih predmeta), odnosno u kojima je određeno (trajno) oduzimanje imovinske koristi (0,51 % u odnosu na ukupan broj pravomoćno okončanih predmeta), kao i broj predmeta u kojima je izvršena (privremena) mjera osiguranja oduzimanja imovinske koristi pribavljene krivičnim djelom, odnosno u kojima je izvršeno (trajno) oduzimanje imovinske koristi pribavljene krivičnim djelom.

3.2. PODACI O POJEDINAČNIM POSTUPCIMA U KOJIMA JE ODREĐENO ODUZIMANJE IMOVINSKE KORISTI

Prilikom analize dobivenih podataka od strane sudova utvrđeno je da je u toku 2018. godine bilo 80 pojedinačnih postupaka u kojima je određeno oduzimanje imovinske koristi, od čega je najviše postupaka imao Općinski sud u Travniku 30. Nakon toga slijedi Općinski sud u Bugojnu 13, Kantonalni sud u Tuzli sa 11 postupaka, Općinski sud u Kiseljaku osam postupaka, Općinski sud u Jajcu šest, Kantonalni sud u Bihaću i općinski sudovi u Gradačcu i Tuzli dva i po jedan postupak općinski sudovi u Livnu, Ljubuškom, Orašju i Sanskom Mostu i kantonalni sudovi u Novom Travniku i Odžaku, kako je prikazano u slijedećem grafikonu.